

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0057662 25
Zenica, 24.06.2025. godine

OPĆINSKI SUD U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

O P T U Ž N I C U

Protiv:

P. S., zvan i „Š.“, osuđivan,

što je:

1. Dana 15.03.2024. godine, oko 23,45 sati, u ulici ... u blizini kuće broj ..., u Tešnju, suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj: 8/06) neovlašteno radi dalje prodaje držao jednu pvc kesicu sa zip zatvaračem biljne materije sa sadržajem psihoaktivne supstance „tetrahidrokanabinol (THC)“ poznatije kao opojna droga „marihuana“ neto mase 1,818 grama, a koja droga je pod rednim brojem 13 liste opojnih droga i rednim brojem 26 liste psihotropnih tvari iz tablice I „Zabranjene tvari i biljke“ proglašena kao takvom, te jednu pvc vrećicu sa zip zatvaračem u kojoj se nalazilo pet pvc kesica grudvasto-praškaste materije žute boje sa sadržajem psihotropne supstance „amfetamin“ poznatije kao opojna droga „speed“ neto masa 0,471 gram; 0,217 grama; 0,490 grama; 0,443 grama i 0,342 grama a koja droga je pod rednim brojem 1 popisa psihotropnih tvari iz tablice II „Tvari i biljke pod strogim nadzorom“ proglašena kao takvom, kao i jednu metalnu cijevčicu sa tragovima gore navedene droge, iako je bio svjestan i znao da je to Zakonom zabranjeno a što je i htio, što mu je sve od strane policijskih službenika PU IV PS Tešanj oduzeto istoga dana.

2. Dana 08.04.2024. godine, oko 09,45 sati, na adresi stanovanja u ulici ... ulaz ..., u Tešnju, suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga ,,,(Službeni glasnik BiH broj: 8/06) neovlašteno radi dalje prodaje držao pet pvc paketića biljne materije sa sadržajem psihoaktivne supstance „tetrahidrokanabinol (THC)“ poznatije kao opojna droga „marihuana“ ukupne neto mase 3,117 grama, a koja droga je pod rednim brojem 13 liste opojnih droga i rednim brojem 26 liste psihotropnih tvari iz tablice I „Zabranjene tvari i biljke“ proglašena kao takvom, te sedam pvc pakovanja svijetlo-žute materije sa

sadržajem psihotropne supstance „amfetamin“ poznatije kao opojna droga „speed“ ukupne neto mase 5,831 grama a koja droga je pod rednim brojem 1 popisa psihotropnih tvari iz tablice II „Tvari i biljke pod strogim nadzorom“ proglašena kao takvom, kao i tragove iste droge na jednoj digitalnoj vagi sivo-crne boje i plastične ploče, iako je bio svjestan i znao da je to Zakonom zabranjeno a što je i htio, što mu je sve od strane policijskih službenika PU IV PS Tešanj prilikom pretresa izvršenog po naredbi Općinskog suda iz Tešnja broj ... pronađeno i oduzeto istoga dana.

čime je počinio produženo krivično djelo Neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH

Zbog toga stavljam

P R I J E D L O G

dokaza koje treba izvesti

3. Na osnovu člana 238. stav 4. KZ FBiH predlažem da se od osumnjičenog P. S. oduzme 4,171 grama opojne droge „marihuana“ i 7,452 grama opojne droge „Speed“ preostale nakon analize a što se sve nalazi u depozitu PU IV PS Tešanj **a na osnovu člana 78. stav 1. KZ FBiH** da se od osumnjičenog oduzme i jedna digitalna vaga sivo-crne boje zbog opasnosti da bi mogla biti ponovo upotrijebljena za učinjenje krivičnog djela.